



Morgunblaðið/Hari

**Sýningarstjórnir** Kathy Clark og Annabelle von Grisewald í Dragsúgi, færanlega galleríinu sem var í gær fyrir framan Wind and Weather Gallery á Hverfisgötu 37 þar sem einn hluti göngusýningarinnar er settur upp.

# Fjölbreytileg gluggaverk á göngusýningu

Í hátt í tuttugu gluggum í miðborginni, í fyrirtækjum og heimahúsum, verður opnuð á morgun, sunnudag, göngusýningin *Leiðin heim*. Liststofnunin Wind and Weather Gallery, sem starfrækir sýningarglugga á Hverfisgötu 37, stendur að sýningunni og verkin eru eftir valinkunna íslenska listamenn og erlenda sem búsettir eru hér á landi. Þar á meðal eru Ásdís Sif Gunnarsdóttir, Helgi Þorgils Friðjónsson, Claudia Hausfeld, Hekla Dögg Jónsdóttir, Hrafnkell Sigurðsson, Theresa Himmer og Rebecca Erin Moran. Á korti sem útbúið hefur verið má sjá staðsetningu sýningarglugganna og býður framkvæmdin upp á forvitnilega gönguferð um miðbæinn.

Hluti af sýningunni er færanlegt gallerí, Dragsúgur, sem mun vera staðsett á nokkrum stöðum í borginni næstu vikur en til að byrja með

á Austurvelli þar sem gestir geta fengið sér ódýran espressókaffibolla í innsetningu Egils Sæbjörnssonar og Ívars Glóa.

Kathy Clark rekur Wind and Weather Gallery og er sýningarstjóri ásamt Annabelle von Grisewald. „Listamennirnir takast allir á við, og hver á sinn hátt, hugmyndina um „ferðina heim“ sem vísað er til í heiti sýningarinnar,“ segir Kathy. Og hún segir verkin unnin í hina ýmsu miðla og vera einstaklega fjölbreytileg. „Meðan á Listahátíð stendur munum við sjö sinnum bjóða upp á leiðsögn, gönguferð á milli allra hluta sýningarinnar,“ segir hún en lagt verður af stað frá Klúbbi Listahátíðar í Hafnarhúsinu. Fyrsta leiðsögnin verður eftir opnunina þar á morgun klukkan 16.

„Ég skapaði Dragsúg, færanlegt gallerí sem er nákvæm eftirmynd

gluggagallerísins míns á Hverfisgötu 37, og hefur það nánast öðlast sjálfstætt líf. Allar sýningarnar eru skoðaðar utan frá, af götunni, nema það er hægt að fara inn í Dragsúg. Við opnuðum innsetningargjörning Egils og Ívars, espressóbarinn, í honum við Hverfisgötu um síðustu helgi. Barinn er opinn frá 10 til 18 alla daga og ferðast núna niður í bæ, verður kominn á Austurvöll á sunnudag og mun vonandi verða vel sóttur þar. Eftir 9. júní taka aðrir listamenn Dragsúg yfir, Styrmir Örn Guðmundsson og Agata Mickiewicz, verða við Hallgrímskirkju og færa í verki sínu næturmyrkur yfir Ísland í júní,“ segir Kathy.


Nokkrir gjörningar verða í tengslum við Dragsúg á næstunni en hann snýr heim á Hverfisgötu 21. júní, undir lok Listahátíðar, og verður fagnað með götuveislu. [efi@mbl.is](mailto:efi@mbl.is)



## Kristinn Magnússon



**Veisla í farangrinum** Hluti af Listahátíð er þessi espressóbar þar sem ljúffengur sopinn er ódýrari en gengur og gerist. Sem stendur er þessi færانlegi kaffistaður á Austurvelli.




# Að fara heim

Listakonan Kathy Clark stendur fyrir verkefni „Leiðin heim“ á Listahátíð í Reykjavík. Þar er reynt að túlka hvað felst í því að fara heim, bæði í gegnum listsýningar og ferðalag gluggagallerís.

Kathy Clark listakona fyrir utan einn sýningargluggann en þeir standa viðsvegar um borgina. MYND: ÞÓRSTEINN SIG





**Oddur Freyr Þorsteinsson**

oddurfreyr@frettabladid.is



**K**athy Clark er listakona sem býr á Íslandi og rekur listagalleríð Wind and Weather Window Gallery á Hverfisgötu 37. Hún tekur þátt í Listahátið Reykjavíkur í ár með verkefni „Leiðin heim“, sem snýst um að setja upp listsýningar í gluggum víðsvegar um miðbæinn svo áhugasamir geti gengið um og notið listarinnar án þess að fara inn á listagallerí. Þema sýninganna er hvað felst í ferðalagi heim og einn sýningarglugganna er sjálfur á ferðalagi um bæinn, en hann kallast Dragsúgur og er listaverkefni í sjálfum sér.

**Vildi deila list og lifga upp á götuna**

„Ég kem upphaflega frá Chicago en bjó lengi í San Francisco, þar sem ég kynntist eiginmanni mínum, sem er Íslendingur. Við fluttum svo með syni okkar til Íslands fyrir 13 árum,“ segir Kathy. „Ég er með meistara-gráðu frá San Francisco Art Institute í að setja upp listsýningar og vinn sem listakona.“

Eftir að við fluttum til Íslands fór ég að vinna í stúdíóinu mínu á Hverfisgötu. Þar eru þrjár stórir gluggar og fyrir fimm árum ákvað ég að nýta einn af þeim til að leyfa listamönnum að setja upp listsýningar,“ segir Kathy. „Hugmyndin er að leyfa vegfarendum og almenningi að njóta listsýninga, en ekki bara þeim sem hafa áhuga á list og heimsækja sófn. Þetta gerir mér kleift að hitta listamenn, deila list og menningu með samfélaginu og gera eitthvað skemmtilegt fyrir götuna.“

**List snýst um túlkun áhorfandans**

„Mig hefur alltaf langað til að setja upp gangandi skoðunarferð um gluggagallerí, þar sem listamenn sýna listsköpun sína í gluggum í miðbænum og gestir geta gengið um og skoðað,“ segir Kathy. „Vigdís Jakobsdóttir, listrænn stjórnandi Listahátíðar, var hrifin af hugmyndinni, svo ég leitaði til Annabelle von Girsewald, sem er sérfræðingur í að setja upp listsýningar, og hún tók að sér að setja sýninguna upp með mér.“

Við fengum 13 glugga í miðbænum og 13 innlenda og erlenda listamenn sem búa hér á landi til að setja upp sýningar og völdum glugga sem passa við hvert efni,“ segir Kathy. „Þema sýninganna er „Leiðin heim“ og allir listamennirnir gefa sína túlkun á því hvað það þýðir í þeirra huga. Við viljum tjá hvað það þýðir að fara í ferðalag og fara heim og það er svo undir áhorfandanum komið að túlka fyrir sig hvað listamennirnir



Kathy og Ásdís Sif Gunnarsdóttir gjörningslistakonur. MYND: ÞORSTEINN

**„Mig hefur alltaf langað til að setja upp gluggagallerí, þar sem listamenn sýna listsköpun sína í gluggum í miðbænum.“**

eru að segja um það í list sinni. Þetta getur snert fólk á mismunandi hátt og það er í rauninni það sem list snýst um, túlkun áhorfandans og áhrifin sem hún hefur á viðkomandi,“ segir Kathy. „Listamennirnir deila sínum hugmyndum og ná vonandi að túlka eitthvað sem skiptir flest fólk máli.“

Við höfum haft ókeypis leiðsögn um alla gluggana frá Listasafni Reykjavíkur,“ segir Kathy. „Það verður farið af stað kl. 15 í dag, á morgun og hinn og alla dagana,

nema á sunnudag, verða listamennirnir við sína glugga til að tala um listaverkin sín.“

**Túlka anda staða**

„Fjórtándi glugginn er svo hreyfanlegur og heitir Dragsúgur. Hann er tákmynd fyrir anda staða. Við erum að segja að þessi staður hafi sinn anda og hann sé á ferðalagi,“ segir Kathy. „Dragsúgur er gluggagallerí sem hefur breyst í ferðagallerí af því það langar að upplifa að ganga um eins og manna. Dragsúgur er í raun hlíðarsjálfr glugga í galleríinu mínu og nákvæm eftirmynd hans.“

Dragsúgur var fyrst við galleríð mitt á Hverfisgötu og þar settu Egill Snæbjörnsson og Ívar Glói upp listsýninguna „The Espresso Bar“, sem var starfhæfur espresso-kaffibar. Sú sýning fór svo með Dragsúgi yfir á Austurvöll,“ segir Kathy. „Núna er Dragsúgur kominn að Hallgrims-

kirkju og þar settu Styrmir Örn Guðmundsson og Agata Mickiewicz upp sýningu sem kallast „The Night Station“. Dragsúgur færir sig og þessa sýningu svo yfir á Bernhöftstorfuna í dag.“

**Skrásetja upplifun Dragsúgs**

„Í dag og á morgun stöndum við svo fyrir ýmsum gjörningum frá ólíkum listamönnum. Það er hægt að fá upplýsingar um þá á heimasíðu Listahátíðarinnar,“ segir Kathy. „Dragsúgur kemur síðan heim á Hverfisgötu 21. júní og tekur þá „The Night Station“ með sér.“

Svo höfum við sagnaritara, eða það sem við köllum „Chronicles“, sem sér um að skrá og tjá upplifun Dragsúgs af ferðalaginu,“ segir Kathy. „Hún skráir þetta í ljóðum og texta og ræðir við fólk um anda staða. Sagnaritarinn er hvítklæddur og fylgir Dragsúgi, en það er Erin

Honeycutt sem bregður sér í hlutverkið. Hún byrjar svo með listsýningu sem heitir „Windows open“ í dag klukkan 15, en sú sýning er eftir hana og mig og fjallar um það sem Dragsúgur hefur séð.“

Í framtíðinni gæti vel verið að Dragsúgur haldi ferðalagi sínu áfram og fari bæði út á land og jafnvel til annarra landa. Skrásetjarinn heldur áfram að skrá upplifun Dragsúgs af ferðunum og vonandi getum við haldið sýningu með Dragsúgi og skrásetjaranum síðar,“ segir Kathy. „Við viljum halda fleiri sýningar og gjörminga. Þetta er bara byrjunin.“

Nánari upplýsingar er hægt að fá á vefsíðunum [www.listahatid.is/about-journey-to-home](http://www.listahatid.is/about-journey-to-home), [www.windandweather.is](http://www.windandweather.is) og á Facebook síðu gallerisins, Dragsúgi - Wind and Weather Gallery.